

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A ASOCIACIÓN DE DISCAPACITADOS DA BISBARRA DE MUROS PARA A CONSTRUCCIÓN DUNHA RESIDENCIA PARA PERSOAS CON DISCAPACIDADE NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA, NEXTGENERATIONEU, NO EJERCICIO 2026

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Igualdade é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

A Asociación de Discapacitados da Bisbarra de Muros, entidade de natureza asociativa, figura inscrita no Rexistro de asociacións co número 1982/001192-1, conforme á Lei orgánica 1/2002, do 22 de marzo, reguladora do dereito de asociación.

A entidade figura recoñecida e inscrita como entidade de iniciativa social no Rexistro de Entidades Prestadoras de Servizos Sociais có número E-0124.

ADISBISMUR é unha asociación sen ánimo de lucro, creada no ano 1982, para traballar pola integración das persoas con discapacidade da comarca, e dende entón esta promovendo a igualdade de oportunidades nestas persoas, a través de actividades como formación, información e asesoramento, emprego, saúde, accesibilidade, ocio e tempo libre.

O Consello Europeo aprobou o 21 de xullo de 2020 a creación do programa NextGenerationEU, como instrumento de estímulo económico en resposta á crise causada polo coronavirus.

O 10 de novembro de 2020, o Parlamento Europeo e o Consello alcanzaron o acordo sobre o paquete de medidas que inclúe os fondos de NextGenerationEU e o Marco Financeiro Plurianual 2021-2027, creándose o Mecanismo Europeo de Recuperación e Resiliencia, como instrumento de apoio aos Estados membros a través de transferencias directas e préstamos para incrementar os investimentos públicos e acometer reformas para paliar os devastadores danos producidos pola COVID-19.

O Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, sinala que os Estados membros elaborarán plans de recuperación e resiliencia nacionais para acollerse a este e alcanzar os obxectivos establecidos e presentarse formalmente polos Estados, como moi tarde o 30 de abril de 2021.

En virtude da Resolución da Subsecretaría de Asuntos Económicos e Transformación Dixital do Ministerio de Asuntos Económicos e Transformación Dixital do 29 de abril de



2021, publícase o Acordo do Consello de Ministros do 27 de abril de 2021, polo que se aproba o Plan de Recuperación, Transformación e Resiliencia, que define as estratexias a seguir no desenvolvemento dos fondos europeos de recuperación (*Boletín Oficial del Estado* número 103, do 30 de abril de 2021).

Este convenio encádrase no marco do Mecanismo de recuperación e resiliencia, dentro do eixe/compoñente 22: economía dos cidadáns e reforzo das políticas de Igualdade e inclusión social, medida/investimento I1: Plan de apoios e cuidados de larga duración: desinstitucionalización, equipamentos e tecnoloxía, submedida: transformación da rede de cuidados de larga duración a través da construción, adquisición, reforma e modernización de equipamentos, do Plan estatal de recuperación, transformación e resiliencia, financiado pola Unión Europea- NextGenerationEU, e no cumprimento da normativa autonómica, estatal e da Unión Europea que regula este tipo de investimentos, e quedan suxeitas, en todo caso, ao cumprimento, execución e realización dos obxectivos do referido plan. Encádrase no proxecto "Renovación o construción de centros residenciales, no residenciales y de día para adaptar plazas al nuevo modelo de cuidados de larga duración, - Subproyecto del Objetivo 323 de la Comunidad Autónoma de Galicia".

O obxecto do presente convenio é a colaboración por parte da Consellería de Política Social e Igualdade coa Asociación de Discapacitados da Bisbarra de Muros a través da concesión directa dunha subvención destinada ao financiamento dos gastos derivados da construción dunha residencia para persoas con discapacidade, en Cruceiro de Roo, Outes.

Ten como finalidade dotar dunha vivenda habitual as persoas con discapacidade da comarca, que polas circunstancias persoais, familiares e sociais precisen facer uso deste servizo. O envellecemento dos pais/nais das persoas con discapacidade, fan que xa non poidan atender ao seus fillos/as da maneira que o necesitan, e tampouco queren envialos fóra do seu entorno, é por isto que demandan a existencia de recursos na comarca, que promovan, protexan e cubran as necesidades dos mesmos

O centro está deseñado para atender a 24 persoas. No acceso a residencia priorizaranse as persoas que vivan no entorno da comarca, en segundo lugar valorarase o grao de dependencia, quedando reservadas para grao III o 50% das prazas, para grao II o 40% e para grao I un 10%. Tratando de conseguir con isto, unha inclusión e convivencia de persoas con distintos graos de dependencia.

1. Considéranse actuacións subvencionables os gastos derivados da execución por parte da entidade Asociación de Discapacitados da Bisbarra de Muros, da construción dunha residencia para persoas con discapacidade

2. En concreto, serán subvencionables as seguintes actuacións:

- a) Demolicións
- b) Estrutura
- c) Cuberta
- d) Albanelaría
- e) Illamento e impermeabilización



- f) Revestimentos
- g) Solados, alicatados e chapados
- h) Instalación do saneamento
- i) Fontanería
- j) Electricidade
- k) Iluminación
- l) Instalacións de ventilación
- m) Instalacións de televisión e rede de datos
- n) Producción foltovoltaica
- o) Instalación de gas
- p) Instalación contraincendios
- q) Telefonía e alarmas
- r) Climatización
- s) Audiovisuais
- t) Carpintería e cerraxería
- u) Carpintería de aluminio e vidros
- v) Ascensor para padiolas
- w) Seguridade e saúde
- x) Xestión de residuos
- y) Control de calidade
- z) Urbanización exterior

3. Considerarase subvencionable o imposto sobre o valor engadido (IVE) cando non sexa recuperable pola entidade solicitante.

4. Non serán subvencionables os gastos aos que se refire o artigo 29.7 da Lei 9/2007, do 13 de xuño, de subvencións de Galicia, como non subvencionables.

Para o cumprimento da finalidade prevista na cláusula primeira deste convenio a Consellería de Política Social e Igualdade achegará un total de dous millóns de euros (2.000.000,00€), que serán imputados á aplicación orzamentaria 08.04.312D.781.0 dos orzamentos xerais da comunidade autónoma de Galicia para o exercicio 2026.

As actuacións a subvencionar a través deste convenio, recollidas na súa cláusula segunda, adecúanse ao ámbito competencial da Consellería de Política Social e Igualdade previsto no Decreto 42/2024, do 14 de abril, polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, e no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, e as específicas necesidades inherentes ao colectivo ao que van dirixidas. Polo tanto queda xustificada a concesión directa desta subvención, en



aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións resultando xustificada a imposibilidade de promover a concorrencia pública en relación ao artigo 19.4 c) da Lei 9/2007, do 13 de xuño, e o Decreto 11/2009, do 8 de xaneiro.

Asinado dixitalmente en Santiago de Compostela

A directora xeral de Persoas con Discapacidade

Begoña Abeijón Fernández

